



www.b2gold.com | BR.Project@b2gold.com
www.kitia.ca | slacroix@land.kitia.ca



”Quviagiyara ilihagtilugit nutaat havaktit uvalu ikayuqhugit ilituriyaangini havaanik..”

Hunamik nakuugiviuk havaarni?

Quviagiyara ilihagtilugit nutaat havaktit uvalu ikayuqhugit ilituriyaangini havaanik uvalu qanuq hunat havaktayut ihuagtumik hamani havakvikmi.

Hunauyut Ayuiqhautikharnik/Ilihairutikharnik ilihaghimavit havagianganik hadjamimun havaamun?

Tautungnaqtumik ayuiqhayunga, amigaitut inuit, ilihimayunga kinguani havaktitiyunin Ikaluktutiami, humi halumaqhiyunga. Ayuiqhautiyaanga amihunik ayuiqtakhamnik atupaktamnik tadjā havaamni. Uuktuliqtaralu una B2Gold Nunavunmi Havaaghanun Pivallianirmun Pinahuarutit havaligtunga hivumuurutighaanun havaamnun uvani Goose Uyarakhiuqtini

Hulivakpit havaguiqhimalaangavit?

Hulilukaaqatigijumajatka ilatka pijuminaqqan

Hunanik uqaudjinaqqit inungnut havagumayunut Uyararhiurnikkut Havagviuyuni havagumayuniluunniit B2Gold-mi?

Akituvallaarmat nunaqariami Nunavunmi, havagiami hamani ujarakhiutrvingmi ikajuutauqpiatquq uvamnūt. Havakpaktunga pingahuni havainirni himmautigiiktaqhutik, angiyumik hungiutivaktunga havakhunga 12-ni ikarnirni ubluq tamaat pingahuni havainirni, kihimi ikayuqtikhaqaqtuq ihariagiyaupkat ulapqivikhaqaqhunilu/ikhivavikaqhunilu inungmiuyaami ilannamnūt ikayuutauqpiatquq.

Maniliurutikhat Kitikmeoni Iglukhanik

B2Gold angiriqtut CAD \$10 Million umiakkuurutikhanullu ikayuutikhanik nappaqtirilitut inungnut iglukhanik tamainni Kitikmeoni Nunallaani. Nungunniarutaanūt 2025, B2Gold havaqatiginiaqtait Nunavut Kavamanga piliurlutik angirutikhamik naunairlugit hapkuat maniliqtuutikhat ikajuutauniaqtut inungnut iglukhainnik nappaqtirutikhanik Kitikmeoni nunallaani.

Kitikmeot Inungnut Maniliurutikhat Pinahuaruti

Tamna Kitikmeot Inuuhirinikkut Maniliurutikharnik Havaaqhangit aulativakhimayug Apitilivik 2025mi aulavikharnik ikayuutikharnik hivutunirmik atuqtauhimaaqtukharnik hanaqidjutikharnik naunaiyaangat Havaaqhangit pidjutikhangit tikiutiyaangat Kitikmeot Inuit Nunalaangitlu talvuuna maniliurutikharnik talvuuna: Ilihairutikharnik Ayuiqhautikharniklu, Nunalaani Inuuhirinikkut, Inuit Pitquhingit Inuuhingit, Inuit Mikiyunik Nanminiqaqtunik Pivalladjutikharnik unalu Hilaup Allanguqtiginikkut Auladjutikharnik. <https://bit.ly/3LGOTwh>

KIA Havakhanun Kivgaqtuqtut Hanaqidjutikhaq

Ikajuqhugit Inuinait havagumajut ujarakhiurnikkut havagviinni hivullitijakhaq Kitikmeot Inuit Katimajiinnin (KIA). Qangannuaq, iliharutinginnik iniqtiqtut Naunaipkainiq uumunnga Ujarakhiurnirmut ilihaidjutingit pijut Kugaarukmi Iqaluktuutiamilu ilauquyauyut ilaugiamikni uumani 12nik-havainirni Nunaup Ataani Ujaraghiurnikkut pinahuarut Aurora Ilihariagpaallivingani Fort Smith-mi, NT. Una ayuiqhautikhaq pidjutikhaq aulativakhimayug talvuuna maniktaqvikharnik talvanga B2Gold Nunavut Agnico Eagle Uyaraghiuqtuyuninlu, tutqikhaidjutikharnik tuniyauhimaayut tapkuninga KIAkutni. Ilauniaqtun iniqtirniaqtun Hikutirvia 7mi, nigikhimayugutlu tautugiangani havadjagiktunik havaagumayainik talvani yaraqhiuqtunik havakviani. Naunaittuq, hamna hivulliqpanguyug tamatkiumayumik ilihagatigiiktut Kitikmeoni ilauvaktut umani Nunap Ataani Uyaraghiurnikkut pinahuaruti. KIA-kut ukuallu Havakhanun Ikajuqtiit Havaktiit qujagijait hapkuat inuit havakpiarutainnun quviahukhutiklu ilaupkaqtipkainikkut nunallaamingni. Iniqtiqhimayaingit naunairutiqaqtun akhurhairutikharnik havagiaqaqtainiklu talvani Kitikmeotmi.



Havaktinun Tautuktuumiyaqaqtait

Atia Havaangalu:

Shavonne Analok, halummaqhiyi/aannuraanik uaqhiyi talvani Goose Mine Nunavunmi.

Humit tikitutin?

Iqaluktuuttiaq.

Una hivulliqpaanguva havaarijat ujaraghiurnikkut Havagviinni?

Hii, una hivulliqpaanguyug havaara uyararhiuqtuyuni. Hivuvani havakpakhimayunga halumaqhiyunin nanminiqaqtunin Ikaluktutiami.

Hunat nuutiqtaaqtut ayuiqtatit kinguani havaani qaritihimayatit hapkununga B2Goldmun?

Ihumayunga ayuiryumiqhimaayunga ikaakninik munagidjutikharnik- talvuunaluaq halumaqhiyaangat 12lunik ikaakninik ubluq tamaat. Ikayuqtaanga havaamni unghiktumi uyararhiuqtuyuni.